



01/3

Broj: 01/ 02-2-1035-1/15
Banja Luka, 19.06 2015. godine

U cilju usklađivanja i tačnog evidentiranja obaveze obračunavanja akcize i obaveze plaćanja akcize na duhanske prerađevine, vrši se sljedeća:

DOPUNA OBJAŠNJENJA

o načinu postupanja kod prijema i obrade prijava za porez na dodatu vrijednost i prijava akcize broj 01-02-2-761-8/10 od 22.11.2010. godine, broj 01 02-2-761-8/11 od 29.12.2011. godine, broj 02-2-1409/14 od 19.06.2014. godine i broj 02-2-1409-7/14 od 22.10.2014. godine.

Član 1.

U članu 10. Objašnjenja o načinu postupanja kod prijema i obrade prijava za porez na dodatu vrijednost i prijava akcize broj: 01-02-2-761-8/10 od 22.11.2010. godine, dodaju se stavovi (7), (8), (9) i (10) koji glase:

- (7) Unos podataka sa dopunskih PDA prijava kojima se prijavljuje obaveza domaće akcize za duhanske prerađevine koja nije nastala po osnovu podnešenog zahtjeva za izdavanje akciznih markica, a koje su primljene u zakonskom roku za podnošenje prijava za jedan porezni period, mora se završiti najkasnije do 20. u tekućem mjesecu za prethodni porezni period, ukoliko su formalno i matematički ispravne.
- (8) Podaci iz redovne PDA prijave proizvođača-obveznika akcize na duhanske prerađevine unešeni u sistem IS UIO na način predviđen članom 10. stav (5) Objašnjenja smatraju se evidencionim i isti se usaglašavaju sa podacima iz izvještaja o visini dospjele i plaćene obaveze akcize za isti poreski period, koji sačinjava Sektor za poslovne usluge na obrascu „Izvještaj o obračunatoj i plaćenju akcizi“ koji je sastavni dio ovog Objašnjenja.
- (9) Obrazac „Izvještaj o dospjeloj i plaćenju akcizi“ Sektor za poslovne usluge najkasnije do 10. u tekućem mjesecu za prethodni mjesec dostavlja Grupi za obradu poreznih prijava, koja najkasnije do 20. u tekućem mjesecu, za prethodni porezni period, u sistemu IS UIO (modul obrada PDA prijava) mijenja podatak zaduženja iz odnosne redovne PDA prijave i obveznika zadužuje za obavezu plaćanje iznosa akcize obračunate na preuzete akcizne markice.
- (10) Grupa za obradu poreznih prijava će iz obrasca „Izvještaj o dospjeloj i plaćenju akcizi“ u IS UIO, metodom ručnog zaduženja, evidentirati podatak o iznosu akcize koji je po osnovu vraćenih akciznih markica rješenjem priznat kao akontacija.

Član 2.

Za porezne periode do dana stupanja na snagu ove Dopune Objašnjenja, Sektor za poslovne usluge će u roku od 15 dana od dana stupanja na snagu ove Dopune Objašnjenja sačiniti "Izvještaj o obračunatoj akcizi na duhanske prerađevine koja nije dospjela za plaćanje" na obrascu koji je sastavni dio ove Dopune Objašnjenja. Sačinjeni Izvještaj se dostavlja nadležnoj Grupi za kontrolu velikih poreznih obveznika, koja će na isti, nakon poređenja sa stanjem na poreznoj kartici obveznika, dati saglasnost za knjiženje i dostaviti ga Grupi za obradu poreznih prijava, koja će izvršiti knjiženja u skladu sa ovom Dopunom Objašnjenja.

Član 3.

Ova Dopuna Objašnjenja stupa na snagu i primjenjuje se osmog dana od dana objavljivanja na Web stranici UIO.



DIREKTOR

Dr. Miro Džakula